

同州府志

第三函
函六冊

同州府志卷十九

鄉鎮志

寬鄉狹鄉唐制近古監鎮設官宋人物土王存辨域
敏求志地爰及關梁以識民利述鄉鎮志第七

大荔縣

羌白鎮在縣西二十里

潘驛鎮在縣西三十里

船舍鎮在縣西三十里

坊頭鎮在縣北三十里一名坊舍鎮

沙苑鎮在縣南十二里卽唐沙苑監地

并藍鎮金史地理志在同州今廢

坊頭渡在縣北三十里洛河上坊頭鎮

船舍渡在縣西北三十里洛河上州志通蒲城船一隻水

夫三名

戶軍渡在縣西二十五里戶軍里洛河上

明沙渡在縣西二十五里明水村洛河上

新橋渡在縣西十餘里洛河上俱民渡

下廟渡在縣西五里洛河上通涇陽渭南船二隻水夫六

名

城南渡在縣西南五里洛河上通華州華陰下廟渡岸高
路狹大車廣載俱由城南而渡船一隻水夫三名
東灣渡在縣東洛河上

朝邑縣

新大慶關在縣東七里黃河西岸建自明萬厯二十六年
今被黃河侵崩其故關在縣東三十里黃河東岸卽古
臨晉關宋大中祥符四年改爲大慶關城久圯明嘉靖
二十年西安府同知朱文霽復築關城萬厯以後河決

城毀後河流西徙故關反在東 爲舊大慶關今河西
亦稱新大慶關巡檢司稅課局在焉

金龍堡在縣西門外金龍寺下

泰安堡在縣西一里明季寇亂邑孝廉雷于霖創建

東長春堡西長春堡縣志俱在縣西北一里隋長春宮故
址

兩女鎮在縣東四十里

趙渡鎮在縣東南十五里

新市鎮在縣南十里

伯士鎮在縣西十五里

安仁鎮在縣西二十里

雙泉鎮在縣西四十里

白豕鎮在縣西北二十里

戈社寨在縣北四十里元末戈平章築以爲保障之所

洿谷鎮在縣東北六十里以當洿谷口而名一曰洿谷堡

三面陡絕其險足恃隆慶元年崩入黃河

苦泉石橋在西北四十五里

鐵牛渡在黃河上大慶關所卽唐鐵牛造橋處今浮梁廢

以舟楫濟水夫六十名協濟潼關風陵渡

洛河渡在縣東南十里趙渡鎮船五隻棹卒二十人舊每冬作橋梁今不復修

渭河渡在縣南三十里南通華陰船五隻棹卒二十人

望仙渡在縣東南三十里接華陰界

備潦橋在縣東十五里

金龍渡舊在三河口自萬厯間河徙遂廢

郃陽縣

東蒙寨在縣東三十里東臨黃河三面深溝其上鑿井面

河作窰廣四十三畝九分高七丈

虎山寨在縣西南五十里高原深溝昔人避亂處也

護難寨在縣西北二十里四圍深溝昔遇兵亂賴此保障
青雲寨在東北三十里其寨陡峻高入雲表昔人避亂之
所

坊鎮在縣東二十里

王村鎮在縣東四十里

黑池鎮在縣東南四十里

路井鎮在縣西南四十里

甘井鎮在縣二十里

百良鎮在縣東微三十里

甘峪寨在縣西南五十里今廢爲田

焦籬堡在縣東二十五里

夏陽鎮在縣東四十里金史地理志邠陽有夏陽鎮

韓莊市在縣南

念吉市在縣北

撫濟橋在縣東南二十五里跨河水上明萬曆十九年舉人車樸勸募創建陝西巡撫葉夢熊助成之

廉莊渡在縣東五十里黃河上馬志通山西蒲州
茶峪渡在縣東四十里黃河上馬志通山西滎河
夏陽渡在縣東南四十里黃河上秦晉要津

澄城縣

寺頭鎮在縣東南四十里明嘉靖二十五年築城保聚名
曰遵義堡

業善鎮在縣東南五十里

韋莊鎮在縣南五十里

交道鎮在縣西二十里

同州府志卷之六
五
瑤頭鎮在縣西二十里嘉靖二十五年築名曰長潤堡

王莊鎮在縣西北二十七里名曰太平堡明嘉靖丙午知

縣徐效賢奉都察院謝蘭檄委創築遵義長潤太平三
堡城

馮原鎮在縣西北五十里

塔冢鎮在縣北三十里

親鄰寨在縣北二十里元末李思齊築爲屯守處今廢

良輔鎮在縣北五十里宋鎮也張舜民畫墁錄同州北境

良輔鎮卽唐魏鄭公莊也

馬頭鎮在縣西北五十里晉書苻登載記晉太元十六年
苟曜有眾萬人密應登登去曲牢繁川次於馬頭原通
鑑胡註馬頭原之地在長安東

撲地河橋在縣東二十里跨太谷河

馬村橋在縣東二十里跨太谷河

崆峒橋在縣西十里激水上

藺莊河小橋在縣西二十里爲塢頭鎮東西往來要津崇

禎時善士李世昌創建

天險橋在縣西北八十里天險門俗名空子橋嘉靖丙午

知縣徐效賢創築匾曰天險

洛河渡在縣西二十里通蒲城路

胡家寨在縣東十三里內有洞通黃河相傳元末胡將軍
嘗屯兵於此縣志卽周原堡三面陡絕東臨大河高數
百尺號爲天塹

神道嶺城在縣西北一百二十里界西延二府居萬山中
順治十二年築城柳溝設遊擊營鎮之高辛傳請設防
兵疏黃龍山迤東神道嶺係延鄜平慶孔道南通澄白
韓邠等處北通鄜州宜洛等處四達之衝衢盜賊之藪

穴明季流寇盤踞實始於此府志神道嶺南自范家堰
北至孟家嘴計五十里皆巖山峻嶺道路崎嶇乾隆二
年遊擊戴奕熊韓城令朱一蜚宜川令劉國泰等捐募
倡修厯三載路得平坦又建關帝廟兼施茶湯行人
便之

芝川鎮在縣南二十里雍勝略芝川在韓城縣南其地有
鎮韓邦奇修鎮記嘉靖二十二年虜掠太原欲入陝芝
川鎮東與河距邑令全文築城浚隍以遏其衝沿河置
墩臺以便瞭望張士佩修城樓記隆慶丁卯邑令馬春

芳增修己巳復修城門樓稱雄鎮焉

薛峰鎮在縣西四十里

咎村鎮在縣東北二十里

龍門關在龍門渡左北周書高祖本紀天和五年齊斛力
明月築城自華谷至於龍門通典古韓國有龍門卽禹
導河至於龍門是也魚集龍門上卽爲龍又有龍門關
地理通釋龍門戍在縣東北後周於此置龍門關寰宇
記龍門關西魏大統元年置在龍門山下

天成堡在縣西南四十里基址尙存

春城堡在縣西七十里今廢

冰橋在縣東北禹門處每歲大雪時合驚蟄時解時日不差龍門斷岸危狹河冰蔽天而下至此山立若有神驅之者頃結成橋車馬負擔行同陸路其始合俟夜有狐跡乃可渡解則渙然無迹其結其解皆以夜故行者無虞宋建炎元年金人分道入寇官軍扼於河乃自韓城履冰渡卽此

龍門橋在縣北六十里渚北村西前限鴻溝羊腸崎嶇行者苦之萬歷丙申衛守業衛天道衛鴻臚嗣康創長橋

以濟之於石砌上增一甃爲眼一袤八十丈廣二丈高五十尺有記

濠水橋在縣城南門外跨濠水康熙癸未邑人巡撫劉蔭樞造越三年始成爲孔七上砌石欄橋頭建大坊祠廟各一自譙碑

陳邨橋在縣南十里陳邨堰渠本濠水來石砌高一丈五尺長六丈闊一丈二尺嘉靖八年建

西少梁橋在縣南五十里少梁里東南衆流入濠潦淋病涉隆慶戊辰道人張崇義募建石橋長三丈闊一丈三